



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Septem Illvstrivm Virorum Poemata**

**Cesarini, Virginio**

**Antverpiae, 1662**

Poemata Ioannis Rotgeri Torckii, ...

**urn:nbn:de:hbz:466:1-7990**

POEMATA  
IOANNIS ROTGERI  
TORCKII,  
PRÆPOSITI MINDENSIS,  
ET CANONICI  
PADERBORNENSIS  
AC MONASTERIENSIS.

POEMATA

IOHANNIS ROTGERII

TORCKII

PREPOSITI MINDENENSIS

ET CANONICI

PADERBORNENSIS

AC MONASTERIENSIS

L  
A  
S  
S  
C  
V  
F  
O  
L  
E  
T

A D  
 FERDINANDVM  
 FVRSTENBERGIVM,

De secessu Tiburtino.



*Iucunda quies ! ô blanda papauera  
 somni,  
 Et pia Lethæis frons medicata va-  
 dis !*

*Callida nocturnas oculis properare tenebras ,*

*Dum medijs calo sol calet altus equis.*

*Vidimus hanc tacito tua spargere tempora succo,*

*Et geminas vnâ condere nocte faces.*

*Fusus eras , memini , vitreas Anienis ad undas,*

*Curua quibus gelidum vallis opacat iter.*

*Officiosa salix Phæbi summoerat ignes,*

*Pictâq; natiuum struxerat herba torum.*

*Densa soporifero nutabat silua susurro,*

*Miscebantq; leues amnis & aura iocos.*

*Et volucrum liquido suetarum fluminis alueo*

*Mille dabant varios guttura mille sonos.*

*Talis in Aetæis iuuenis Theseius umbris*

*Concidit, hirsutos sternere fessus apros.*

N 2

Talis

Talis & auentum sopor est complexus Iulum,  
 Didoni strueret cum Venus alma dolos ;  
 Et bene cognatos simulante Cupidine vultus  
 Idalias premeret languidus ille rosas.

Ast ego nunc amnem, tua nunc vigil ora tuebar:

Nunc in Callimachi versibus omnis eram :

Nunc mihi fingebam maturas solibus uvas

Ad gelidos fontes pretereuntis aquae,

Purpureosq; auido ducebam gutture succos.

Sepè mihi tales dent mea fata dies.

Querat avarus opes, petat ambitiosus honores:

Sit procùl à tanto nostra furore quies.

Quid, miser, auriferi medio tibi proderit Hermiti

Gurgite Tantaleam semper hiare sitim?

Quid Siculas valles, montiq; propinqua Veseno

Mille bouum gemitu vertere rura iuuat,

Horrea si crescens tibi rumpit & ilia messis,

Teq; simulq; tuas arca flagellat opes?

Aurea sallicito tibi spumant pocula Baccho,

Et vigiles noctes lectus eburnus habet.

Prisca quies tacitis nemorum se condidit umbris,

Et colit angustos vita beata lares.

His mea pauperies populo secreta latebris

Regales animo diuite vincet opes.

Sed

*Sed neque longaevis nemoralis Aricia lucis,  
 Nec liquido cepit me vetus Alba lacu.  
 Inclyta Romulidum quondam Praeneste voluptas  
 Nunc sitit, & nudis horret ubique iugis.  
 Explicat urbanos opulentia Tuscula luxus,  
 Sed nimiam adscitus displicet arte decor.  
 Tiburis Herculei nobis iuga candida rident:  
 Stat mea iudicio, Flacce, Camæna tuo.  
 Hic veniunt segetes, veniunt feliciter vna:  
 Autumnus hic gravidus diuite gemmat ager.  
 Hic non falsa suis oleagina silva colonis  
 Palladios colles & iuga summa tenet,  
 Ipsa quoque asperitas, & rupibus insitus horror  
 Temperat ingenium deliciasq; soli.  
 Quid loquar ut nitidas Anio pellucidus undis  
 Voluat, & electro purior arua riget?  
 Iamq; vago cursu & lapidosam exercitus iram  
 Mollior Herculeos lambere gestit agros.  
 Et veluti flabris crispatum lenibus equor  
 Composita repens otia ludit aquae,  
 Cum subito lapsu barathrum ruit omnis in imum.  
 Condendum inferno iam Phlegethonte putes.  
 Rorantes canam latrant aspergine cautes,  
 Et furit horribili spuma Aniena sono,*

*Mox vasto exesi sorbetur montis hiatu,  
 Precipitatq; trucem per caua saxa fugam.  
 Trunca iacent ripis sæcli monumenta vetusti,  
 Et premit informes alta ruina domos.  
 Hæc Mæcenatem spirant, hæc rudera Flaccum,  
 Rudera Pierijs deueneranda sacris.  
 Hic illa imperio Romani par lyra mundi  
 Subdidit Italico carmina Graia iugo.  
 Hac obscura specu stimulante Sibylla calescens  
 Numine fatidicum sæpè canebat epos.  
 Excitus hisce adytis venit in præcordia vatuna  
 Feruor, & acceptis ignibus ossa calent.  
 Parte aliâ vastæ semesa cadauera molis  
 Sparsa per Argeos conspiciuntur agros:  
 Quâ tua magnanimâ labor improbus arte cœgit,  
 Fucine, per dociles ire fluenta vias:  
 Ausus & obstantis perrumpere viscera montis,  
 Roma peregrinis ut frueretur aquis.  
 Hic utinam æstiuos liceat mihi condere soles,  
 Vesanus Latios cum leo torret agros!  
 Icarijq; canis vapor atrox incubat Vrbi,  
 Et ducunt mœstæ funera crebra via.  
 Hic reducem, inuerso signis pluuiabilibus anno,  
 Excipiat modico Roma beata lare;*

Et procul à strepitu fumoq̄, volubilis aula  
 Claudantur tacito gaudia nostra sinu.  
 Sic placidis annis, & amœno carperer ævo,  
 Et fluerent niueâ stamina nostra colo.  
 Sed quid agis? tibi vana miser quid somnia fingis?  
 Quid rapido iactas irrita verba Noto?  
 Te sua Hyperboreus reuocat sub plaustra Bootes,  
 Sæua Lycaonij te manet axis hiems.  
 Sæpè dies solidos patrijs pulsabere nimbis,  
 Sæpè rigens glacie vel niue canus eris.  
 Cocta Ceres Tiburtino succedet Iaccho,  
 Spumosaq̄ cadet fece peremta sitis.  
 Parua queror: fugimus Phæbumq̄, nouemq̄, Sorores,  
 Et mea Pegaseus deseret ora latex.  
 Iam mihi Perrhebi nemora euanescere Pindi,  
 Iam dubius condi nube videtur apex.  
 Castalijs mihi triste vale iam redditur antris,  
 Mæstaq̄, suprema vocis imago redit.  
 Nubiferas gradiar sine te, FERNANDE, per Alpes,  
 Dimidiaq̄, anima parte carebo meæ.  
 Quaq̄, sacras vidi quercus, montesq̄, moueri,  
 Me linquet Claria vox tua mista lyra.  
 NATALISq̄, tui cultissima Musa Latinas  
 Quàm procul heu nostrâ tendet ab aure fides!

*Docta FAVORITI nobis mutescet arundo,*  
*Tritaq̄, bucolicis labra canora modis.*  
*Fata reluctantes rapiunt, ducuntq̄ volentes:*  
*Non moror, austeram spontè vorabo viam.*  
*Vos remanete, quibus pronâ fors annuit aure*  
*Molliter in gremio posse cubare suo.*  
*Viuite felices, auumq̄, agitate serenum,*  
*Quæq̄, vehit vestras, prouehat aura rates.*  
*Diuus ALEXANDER, Superùm iustissima cura,*  
*Orbis amor, Romæ vita decusq̄ suæ,*  
*Vincit ut eloquio, sic Nestora vincat & annis,*  
*Utq̄, beat iuuenes, vos beet ipse senes.*  
*Me mea fata trahant, casus retrahantq̄, per omnes,*  
*Me ferus Arctoo demetat ense furor.*  
*Me petat ipsa suis glacialis rictibus Vr̄sa:*  
*Letus ALEXANDRO sospite cuncta feram.*  
*Cumq̄, seuera meos euoluerit Atropos annos,*  
*Letus ALEXANDRO sceptrâ tenente cadam.*  
*Sospite ALEXANDRO mea molliter ossa cubabunt,*  
*Atque fauilla leui nostra premetur humo.*

IN

IN FVNERE  
SIDRONII HOSSCHII  
E SOCIETATE IESV.

**O** *Noctis aeternae atque Erebi pudor,  
Crimen Deorum, lurida carnifex  
Mundi ruentis, quam tot atra  
Sacla inuat vacuare penso!  
Quae saeva Erinnyes, quodve odium vetus,  
Famesve magnorum improba funerum  
Te concitavit in verendum  
SIDRONII caput immerentis?  
Fatum serena molliter aureum  
Nebant sorores. Dum propior Deo  
Poeta nil mortale cantans  
Tanarias tremefecit umbras,  
Arrexit aures Orcus, inertior  
Styx haesit, ingens continuit canis  
Rictus trifauces; & Megæra  
Viperei siluere crines.  
Tu sola funestam rabiem intimis  
Coquens medullis, diceris inclytum  
Plutone deprecante statera  
Sacrilegâ secuisse dextrâ.*

*Scelus peractum est. Magni Elegi tacent,  
 Nec par Tibullo gratia, ceu prius,  
 Cantando iam Scaldim moratur  
 Præcipitem, lacrymisq; Mosam  
 Latè tumentem. Quin sacra lugubri  
 Clamore Parnassi antra remugiunt,  
 Præcordijsq; excussa mæstis  
 Per virides gemit aura lucos.  
 At victor orbis sidereos premit,  
 Auraq; Diuum vescitur HOSSCHIVS,  
 Et iura Minois seuera  
 Despicit, invidiamq; Parcæ.  
 Quid victa frendes? rumpere liuida  
 Mortis satelles, rode manus reas,  
 Caputq; nequicquam scelestum  
 Tartareo Phlegethonte cela.  
 Præcisa vatum vita repullulat  
 Ringente Auerno. Non timet Atropon  
 Mens plena Phæbi, sed superba  
 Fata sinistra domat triumpho.*

IOANNIS ROTGERI TORCKII. 203

IDVS FEBRVARIÆ,  
NATALIS  
FABII CARDINALIS  
CHISII.

**P**Ande natales Heliconis umbras  
Dulcis Euterpe, fidibusq; mista  
Voce Pimpleæ madidum lepore

Dic, age, carmen.

Bina Parnassi iuga gratulante  
Annuant lauro, genitrixq; docti  
Fontis extundat caua largiores

Vngula succos.

Ultimas brumæ fugientis IDVS  
Phæbus æternis reuehet quadrigis,  
Prima nascentis quibus ora CHISI

Vidit, & arsit.

Mox nitens frontis iubar, & coruscus  
Regij currus geminauit ignes:

Fluxit inuersâ Ganymedis urnâ

Nectar & aurum.

Mater

*Mater Heroum genitrixq̄, Diuūm  
Rite ſollemnem venerare lucem,  
Sena, quæ magni tibi prima riſit  
Conſcia partus.*

*Adſtrepant letis vagus Vmbro lymphis:  
Certet Vmbroni Padus, & loquacis  
Incola ſtagni geniale cantent  
Carmen olores.*

*Martia pubis Melite palæſtra,  
Cladis extreme mora, quam ruentis  
Rebus Europæ propè plena Thracum  
Luna minatur,*

*Hic dies ſemper tibi feſtus ære  
Bellico flammas vomat innocentes,  
Clasſis inuictæ fremat omne ludis  
Littus & æquor.*

*Canus Alpinâ niue Rhenus vdos  
Palladis ramo cohibens capillos  
Iuſta ſuadentem memoret ſequeſtrum  
Otia pacis.*

*CHISIO puris Amasîs fluentis,  
CHISIO ſegni putris Alpha ſtagno  
Plaudat, & ſperni Mimigarda gaudens  
Carmine Vatis.*

Roma

*Roma terrarum caput, una magnis  
Tu pares reddis Fabijs honores.  
Fallor? an crescens latet in virenti  
Maximus herbâ?*

*At Sibyllinos aperire libros  
Mitto: secreto properet meatu  
Ordo fatorum, tacitâ futurum  
Nocte prematur.*

A D

PHILOMATHEN,

Germanos Nobiles suo exemplo ad  
politioem literaturam ab asperio-  
ribus studijs reuocantem.

**D***vdum madenti sanguine Teutonum  
Deuota Marti spreuit Apollinem,  
Araſq; Bellonæ cruentas  
Posthabitis coluit Camænis  
Abrepta ſæuo pectoris impetu  
Germana pubes. Per fera prælia,  
Per arma, per cædes ruebat,  
Præcipiti velut Iſter undâ,*

*Maſtan-*

*Maectanda vana victima gloria.*  
*Sic gentis ortum, sic genus inclytum*  
*Probare, sic pulcrâ decebat*  
*Morte suas animare ceras.*  
*Altum silebant Aonia fides,*  
*Dum delicatum tendere barbiton*  
*Deuitat, imbelliq; plectro*  
*Mollia sollicitare fila,*  
*Assueta ferro dextera nobilis:*  
*Dum militari tempora laureâ*  
*Virent, triumphalesq; suadet*  
*Othryadis truculenta Sparte*  
*Semper legendas discere literas.*  
*Phæbi patebat Pierium nemus,*  
*Et sacra tractabat verenda*  
*Vulgus iners, animaq; viles,*  
*Cum stirpis altae diues honoribus,*  
*Phæbi benigno non sine numine,*  
*Profectus extremis ab oris*  
*Italiae peregrinus Heros*  
*Ad vasta Rheni flumina, non suis*  
*Rubentis undis, virgineam chelyæ*  
*Pulsare, percussisq; nervis*  
*Castalios sociare versus,*

*Et ære triplo corda rigentia*  
*Mollire cæpit non minor Orpheo ;*  
     *Phæbumq̄, Germanis serenum*  
         *Restituit, iuuenesq̄, Musas.*  
*Non indecorum est hoc duce & auspice*  
*Adire montis Gorgonei iuga ,*  
     *Specusq̄, doctas, & virentem*  
         *Fatidicis Heliconæ lauris.*  
*Ad magna nati discite Nobiles*  
*Æternitati scribere : discite*  
     *Aptare carmen, quod futuro*  
         *Posteritas legat omnis ævo.*  
*Plenum recepto pectus Apolline*  
*Numquam obruendis nobilitat suam*  
     *Stirpem trophæis. Mors & ætas*  
         *Cunçta rapit : manet una virtus.*  
*Videtis alto sidera vertice*  
*Ferire docti carminis alitem :*  
     *Videtis in quantâ triumphat*  
         *Philomathes celebratus aulâ.*  
*Iunguntur vno pectore principis*  
*Et vatis artes : unica mens Iouem*  
     *Musasq̄, miscet, & capaci*  
         *Cunçta sinu generosa claudit.*

Rum.

*Rumpatur ater liuor, & inuidos  
Corrodat unguis, dum pariter tibi,  
Vir magne, plaudit Vrbs & Orbis,  
Cuius onus geris alter Atlas.*

